

香山縣志卷之八

壇廟

聖王成民而致力於神故自社稷山川以降能禦民災捍民患者悉祀之我

國家事神保民至誠感格建先農壇行耕藉禮追封壯繆三代祀典特隆其餘有功德於民者聽民自爲廟歲時伏臘有加禮焉民和而神降之福非偶然也志壇廟

社稷壇 在縣西門外壇方二丈五尺周圍三十丈石主高二丈五尺北向明成化間知縣朱顯改門由南

香山縣志

卷之八

壇廟

一

入建齋宿所三間廚庫三間社稷合爲一牌題曰縣社之神縣稷之神祭時設於壇上年久壇圯明知縣鄧遷重建石壇設香案周圍墻各一十三丈有奇北爲神道西爲門樓又西爲省牲所後俱圯

國朝雍正十年奉文復建

山川壇 在縣南門外東林山下周圍二十八丈明成化間知縣朱顯建門樓一間屋三間祭時設神牌三中爲風雲雷雨之神左爲境內山川之神右爲本縣城隍之神年久壇圯明知縣鄧遷重建築石壇設香案圍墻各十三丈有奇南爲神道東南爲門樓又東

爲省牲所後俱圯

國朝康熙五十四年邑人重修日久復圯雍正十年奉文
建復春秋常雩致祭

厲壇 在縣北門外插笏山下周圍二十三丈祭時設
神牌二於壇下左右題曰本縣無祀鬼神年久壇圯
知縣鄧遷重建石壇設香案闊四丈五尺深七尺五
寸後圯歲時祭祀行禮於其地

特建先農祠壇 在蓮峯之左雍正五年支正項銀二百
三十八兩零三分八釐建置壇高二尺一寸寬二丈
五尺正殿三間中間安設木主書先農之神東間存

香山縣志

卷之八

壇廟

二

貯祭器農具西間收貯藉田穀石配房東間置辦祭
器配房西間令看守農民居住歲以仲春亥日致祭
動支錢糧銀五兩四錢八分二釐買辦羊一豕一帛
一黍稷品物鋤一籩四豆四簋二簋二祭畢行耕藉
禮藉田四畝九分知縣扶犁典史捧貯穀青箱耆老
撒種歲支粢盛穀四斗籽種穀一石祭器農具案桌
一張錫香供一副耕牛一隻犁一張耜一張鋤一張
載穀青箱一個青旗八面耆老黃褂二件

城隍廟 在縣治左明洪武元年縣丞冲敬建知縣朱
顯重修嘉靖二十年知縣鄒驗重建前堂及正堂鼓

樓齋宿房道舍各三間店房七間廊與夾室各二間
萬歷間知縣孟習孔耆民周鎮等復修邑人曹志益
有記

國朝康熙四十九年署縣事陳廷綸倡里民重修邑人梁
金震有記

文昌廟 在豐山上

關帝廟 在城西武山下嘉靖二十八年建

國朝自雍正五年始春秋誕辰凡三祭俱支正項銀五兩
用太牢

特崇關帝三代殿 雍正三年加封三代殿在沙岡墟關

香山縣志

卷之八 壇廟

三

帝廟後春秋致祭

天妃廟 在官船廠明正德中設廠爲備倭官船灣泊
之所千戶盛紹德於其地立廟後廢指揮田輓重建
又一在石岐山南萬歷間知縣但啟元建

東嶽廟 在豐山左

北帝廟 在北門外

三元廟 在懷德里

吳相公廟 在三元廟右宋末人殉端宗難邑人於莖
所立廟康熙十三年海寇攻城嘗顯靈護救

龍母廟 在永寧街

金花廟 在東門外

七仙廟 在鳳山左 新廟祀天后諸神在澳門蓮峰山土人建

禾穀廟 在縣北二里基邊村

主帥廟 在月山之陰祀康元帥

南陽廟 在城南蘇州街西祀諸葛武侯

三山廟 在蘇州街東祀司馬武王

特建忠孝祠 雍正元年支正項錢糧銀一百二十五兩

零七分七釐建於學宮之右立石碑一座

特建節義祠 雍正元年支正項錢糧銀一百三十六兩

九錢三分二釐建於學宮之右前有坊書節婦姓氏

香山縣志

卷之八

壇廟

四

於其上

橋梁 津渡附

王者之政天根見而水涸則成梁造舟爲梁則橋之謂也其有不由梁而川遊逕踰者秋官有禁香邑環山帶水橋梁所在多有不楫而渡往來便之良有司時其興修補其廢墜乘輿之濟蓋無取也志橋梁南門橋在縣城外初爲板橋明成化間知縣朱顯覆以亭後圯宏治間鄉人改建石拱崇正十二年署縣劉大垣改南門橋在門左彤家以爲送水遂毀之代以木梁

國朝康熙十七年知縣卞三魁從衆請南門改復故處旋

香山縣志

卷之八

橋梁

五

亦修復石拱橋高隱城門上下促級窘步乾隆十一年知縣張汝霖倡捐改建平石橋兩旁增置欄杆十二柱老幼始無傾跌之患

新橋在官船廠西關下俗名娘媽明末建基歷久始成西門橋在城西內外二所

西關橋在水關內外三所舊爲木橋今易以石東關橋在城東二所內瓦磚梁外石梁

蘇師橋在東濠口元至正二年知縣汪箎架木爲梁後圯成化間鄉人楊璧捐資修復

橋仔頭在蘇州街尾元時鄉人郭復造明成化中知

縣朱顯易石橋嘉靖七年邑人會資重修

國朝康熙二十六年邑人李永華捐資始建石拱行人便之

天王橋在橋頭村宋端宗駐驛沙涌道經此橋因名其南有通濟亭明洪武間知縣沙彥和建石梁成化間僧智能建木梁正德間監生蔡日良嘉靖間舉人鄭之藩後先修復

國朝康熙間始易爲兩石拱并路與壩頭俱砌以石邑人劉清捐資鳩工督理告成至今一路坦平往來告便石頭橋在石頭村

香山縣志

卷之八

橋梁

六

婆石橋在婆石村宋時杜氏建崇正間鄉人高光謨劉吳乾湯思漢等重修雍正十三年署縣舒均再修普濟橋在宮花村宋嘉定四年僧法隆創木梁至正十二年邑人劉文保易以石

神涌橋在南洋村

大墟橋在南萌村

南塘橋在南邊塘村宋立石

天妃橋在恭常都天妃廟元民周元建石梁

譚婆橋在塘礪村鄉人譚婆建

咸池橋在塘礪村

馬坑橋在白石村元民鮑錄事建

白石橋在白石村元民周元建

三板橋在雍陌村

雙美橋在大欖村明洪武間巡檢陳忠建

太寧橋在小欖村

西河橋龍眼都要津闊僅三丈舊有渡額

國朝康熙五十六年知縣陳應吉詳銷倡捐建石拱橋復自渡頭至山谿角步頭砌石千有餘丈行人便之第
年久薄蝕石漸崩缺潮長水浸淺深莫測乾隆十三
年邑人劉清鄭剛等倡衆捐金修復行人往來無泥

香山縣志

卷之八 橋梁

七

潭之芒

青雲橋在石岐山背通官基

國朝康熙五十七年知縣陳應吉修復官基沿途種樹以

衛城北風水因造此橋路達婆澳

清風橋在城外東南隅路接北山村

江尾橋在江尾村頭

國朝雍正六年邑人梁明作易以石梁

水徹橋在古鶴村舊有板橋福建商人建

國朝雍正六年邑人梁明作易以石梁

萬衍橋在九曲林村衆鄉樵人之徑邑人何文遠建

躍龍橋在小欖乾隆十三年邑人何紹宇倡衆捐修綜理盡善宇司鐸引退歸欖中舉爲鄉正矢公矢慎排難解紛大有魯仲連風尤好義凡有裨於梓里者悉捐資黽勉爲之

官涌橋在恭常都上柵村

國朝乾隆十四年邑人盧文起等倡捐創建海防軍民府同知張汝霖有記

津渡

石岐往省城

往南海佛山

往新會江門

往潮連

香山縣志

卷之八

津渡

八

往順德縣

往貴洲

往陳村

往山根

往甘竹

往黃連

往馬村

往高村鍾村

往龍江

往東莞縣

小欖至石岐

前山寨沙梨頭至石岐

黃梁都至石岐

高欄三竈至石岐

澳門至石岐

山頭園至石岐

茶園至石岐

蔴子白石至石岐

茅灣至石岐

濠涌至石岐

石門塔脚至石岐

沙涌至石岐

長洲過石岐橫水渡

龍眼都過石岐橫水渡向承渡餉為闔都六畝公渡客商往來收錢一文以助輸將然非值墟期船止一隻行人守候不便乾隆十三年邑人劉清鄭剛等各倡捐銀一百兩諸鄉踵成共捐千有餘金造船二隻更迭濟渡行旅不費渡錢隨公置田五十畝劉子忠捐田六畝劉觀德捐田九畝高忠生捐田五畝四分高洪生捐田五畝楊靄亭捐南村沙岡下潮田三十畝歲收所入給水手工食倡修

香山縣志

卷之八

津渡

九

董事者劉用湘劉太行

大欖往新會江門

往麥斗門墟

往馬滘

往順德良堡

往海洲

往黃梁都

小欖往省城

往南海佛山

往沙頭

往新會沙平墟

往江門

往麥斗門墟

往順德縣

往馬寧

往桂洲客竒

往馬村

往龍江

往杏壇

往陳村

往甘竹

往碧江龍津

往倫敦馬岡

黃梁都往新會縣

乾霧往三竈

古鎮往新會江門

往潮連外海

往海洲

翠微往新會江門

往桔仔園

黃角往番禺市橋

往順德碧江陳村

大黃圃往順德縣

爛泥灣往省城

茅灣往新會江門

香山縣志

卷之八

津渡

十

澳門往新會江門

海洲過爛泥灣

以下橫水渡

古鶴過茅灣

白石嘴過梅角

海洲過馬滘

沙尾村過秋風角

江尾頭過大環

古蹟

地以事顯物以人彰苟有可傳皆有可紀香山建縣以來上下數百年其間邱壑園林坊表亭榭以及一木一石之奇流風餘韻尚在人間旁搜舊聞以廣觀記載筆者之責也詎以世遠年湮而忽諸志古蹟

仁山書院 在縣署後仁山上久廢

仕學臺 在縣署仁山之陰久廢

豐梨園 在仕學臺左今廢

觀潮亭 在縣西南官濠上舊天妃廟前元至正二年

主簿王仕浚建後燬

香山縣志

卷之八 古蹟

十一

石龜亭 在縣東三十里大嶺村元至正間建後燬

迎恩亭 在縣西一里石岐街久圯

麗澤亭 在蘇洲街邑人爲楊紹孫建久圯

藕泉亭 在蓮峯下學宮左久圯雍正十二年邑人鄭廷章重修復於其旁構齋舍數間爲課誦之所

衆香亭 在城西石岐山下

國朝康熙年間守備馬騰龍建署縣白章顏額今圯

來青亭 在城西武山上

國朝康熙年間副將朱明建守備吳定鼎重修副將陳良

彌顏額

茶亭 在縣南四十里嶺高百餘丈中通一徑爲恭常
谷字兩都及澳門來往要路

國朝康熙間僧定崖建亭於其上暑月施茶知縣陳應吉
顏曰少憇雍正間副將湯寬倡捐置田十餘畝

北臺洞 在縣南五十里北臺山之南有小龍潭歲旱
以白鵝祝之燒白石投洞內輒雨

紅旗洞 在縣南五十里相傳昔有人葬此後其家產
一子驍勇能以席爲船入城市又以石船渡海至今
石船猶存

迎陽石舊名掛榜 在麻洲街尾特出亂石中高約十

香山縣志

卷之八

古蹟

三

丈餘大四五丈許上平可坐十餘人壁峙路中成化
間巡海都督張通題迎陽二字於其上大五尺許筆
勢遒勁康熙元年六月颶風大作拔石旁古榕石因
仆地

羅鼓岡 在大芒山西以石擊之作金革聲舊傳山上
有石鼓鳴聲聞數里鄉人以大銅釘釘其上今銅釘
尚時隱時見云

燕子石 在縣東一百一十里近海旁以形似名舊志
贛商歿於此蟻銜泥成墳號貢章墓

故鎮 在縣東南一百五十里地名濠潭舊爲鎮屬東

莞宋紹興間改名香山場一名金斗塩場

新美齋 在四字都西村黃道山下宋景定間鄉人王

蔣梁陳四姓建義塾以訓子弟邑令洪天驥顏額元

沈普有記

孝子阮與子宅 在四字都赤坎村前建孝義坊

宋行宮 在沙涌侍郎馬南寶宅端宗駐驛之所後崩

於礪洲復殯於此自閩入粵行宮三十餘所此其一

也

放生池 在縣治右八十步仁厚街西長一百步元時

祝聖放生處今湮

香山縣志

卷之八 古蹟

南宥堂石塔 在唐礪村宋紹興中立今圯

天王堂石塔 在雍陌村高二丈許元至正間立今圯

花塔 在龍眼都秀美園村明萬歷三十三年知縣張

大猷建

花塔 在石岐鳳山上明萬歷三十六年知縣蔡善繼

建

光塔 在縣城東南隅明天啟六年縣丞沈應美建

忠孝節義名邦坊 在石岐接官亭知縣周維持建書

忠臣孝子節婦義士姓氏於其上

進士坊 在縣左為進士黃鑰建

擢秀坊 在縣左爲舉人黃立

解元進士坊 在縣右爲進士黃佐立

濟美坊 在縣東爲舉人田宏立

進士坊 在麻洲爲進士徐觀立

登科坊 在來青街爲長史盧瑞立

進士第坊 在來青街爲進士盧淵立

經元坊 在蓮塘街爲舉人鄭鴻立

鳴鳳坊 在黃梁都荔枝山爲舉人黃鑰立

旌表坊 在大欖鄉爲義民何源圖立

進士坊 在古鎮鄉爲進士馬駟立

香山縣志

卷之八

古蹟

十四

擢桂坊 在古鎮鄉爲舉人蒲伯齡立

宮詹學士坊 在武鎮街爲禮部侍郎謚文裕黃佐立

大京兆坊 在迎恩街爲府尹袁三接立

熙朝宰輔坊 在縣治照牆南爲大學士何吾駒立

南宮奮翮坊 在縣左爲舉人題名立

北闕蜚聲坊 在縣左爲進士題名立

三元啓運坊 在文廟照牆西知縣周維持建

五星聚奎坊 在文廟照牆東知縣周維持建

兩都京兆坊 在石岐接官亭後爲府尹袁三接立

六朝元壽坊 在達德街爲大賓儒官百歲黃化立

岐海流芳坊

在石岐·泮頭闔邑士民爲知縣鄧遷立

香山縣志

卷之八

古蹟

十五

陵墓

香山僻處海隅陵寢少見宋末張太傅翼端宗由閩入粵其後端宗葬厓山吾邑僅傳疑陵而太傅則葬潮居里赤坎村百世馮弔遙結哀思其他鄉先生沒而祭於社者封碑具在華表巋然皆可紀也志陵墓

宋端宗疑陵

在縣南五十里壽星塘北其蹟五處在

墳頭岡者號大墓行朝錄云祥興元年九月壬申朔葬端宗於厓山陵曰永福則此爲疑陵明矣蓋遺黎爲之諱其處也

宋全太后疑陵

在縣南梅花水坡上舊志宋末航海

香山縣志

卷之八

陵墓

六

至元十四年十一月移師香山全太后殂殯於梅花水出殯之日棺槨數十居民莫得近及考宋史載全太后與瀛國公入燕後削髮爲尼卒於北未嘗南來也

宋太傅張世傑墓

在潮居里赤坎村說郭云世傑當

景炎帝殂復擁立祥興於海上與元張宏範軍於南北岸一夕忽大風雨戰皆不利世傑舟覆而薨翼早諸軍具棺殮焚屍島上傑胆大如斗更焚不化諸軍號慟須臾雲中現金甲神人大聲云太上以我馳驅關係不小已多方措設恢復矣由是諸軍心皆不移

墓之赤坎村陸秀夫作詩挽之有曾聞海上鐵斗胆
猶見雲中金甲神之句五百年來墓門片碣埋沒荒
烟宿莽間

國朝乾隆十三年知縣張汝霖捐資修復封碑華表煥然
一新復置土名馬槽埔等處荒熟田三十九畝零界
里人張沛昌等董其事歲收所入遣官春秋祭撰碑
記立墓側

宋陳文龍墓 在仁山之陽朝政大夫天覺之父

明副使黃銓祖墓 在蛤婆嶺

明知縣黃祖墓 在大北丫山父墓在壽星塘 明

香山縣志

卷之八 陵墓

七

禮部侍郎黃佐之祖

明大學士何吾騶墓 在縣北七十里小欖村鳳山

明誥贈大學士何純墓 在縣南五十里黎村山吾騶

會祖

誥贈太學士何世睿墓 在縣北七十里大欖飛駝

山吾騶之祖

誥贈大學士何述鎰墓 在縣南二十里鹿鳴嶺吾

騶之父

明黃銓墓 在黃梁都荔枝山

明贈尚書李怡德墓 在小欖高橋基李孫宸之祖

明尚書李孫宸墓 在縣南五十里黎村山欽差行人
鄭崑正諭墓

寺觀 仙釋附

飛錫高僧步虛鍊士吾邑數百年間僅一再覲而禪關道觀金碧名藍數見于殘山剩水間春秋佳日尋幽者每至其地鐫竹留題汲泉瀹茗匪獨遠風塵且能清耳目也志寺觀

無量寺 舊在縣治東南五十步本劉中行宅宋乾道中掘地得鐵佛遂捨宅縣令范文林建蕭惠叔捨銅佛一軀同時建者有寶慶寺在壽山下後廢明永樂七年僧會祖移建無量寺於壽山之陽因寶慶寺舊址嘉靖二年提學道行文教諭顏階毀銅佛鑄籩豆

香山縣志

卷之八 寺觀

九

二十有四以祀文廟寺旋圯七年重建

西林菴 在插笏山下

白衣菴 在西林庵左插笏山上

衆母菴 在豐山側因豐盈倉舊址

西山寺 在縣治西武山上邑孝廉毛可珍讀書處延僧居之

國朝順治間知縣胡戴仁建康熙間副將朱明守備吳定鼎重修

觀音堂 在蘇洲西邊山下

香蓮菴 在蓮峯左旁有泉井

新菴 在縣南十里相傳舊有民居適山上危石欲墜
有神現身樹巔觀者盡出石乃墜遂於其地建庵
香林菴 在小嶺山明崇正間僧慧融建嶺產佳茶菴
無錢糧香燈之費取給於無量寺

聚龍菴 在濠兔村側

隱泉菴 在西門外三元廟後

國朝康熙間守備馬騰龍建

開元寺 在飛駝山下

懷菴 在山窰村

國朝順治間叅將馬雄和建地接鳳凰山多林麓谿澗之

香山縣志

卷之八 寺觀

三

勝

天池菴 在紫馬嶺村

國朝康熙間邑人黃銘建守備吳定鼎重修

寶蓮寺 一在大欖一在迎恩街

道觀 在北門外拱北街 王巡撫廟 在坑口墟乾隆十三年建

仙釋

漢

陳仁嬌者漢廷尉臨之後也父玘母鄧氏自幼靈慧父
母名之曰安自以仁嬌爲字嘗夢爲逍遙遊餐丹霞
飲玉液及寤不瞑每思舊遊不可得至八月十五日

丙夜忽有神仙數百從空招之仁嬌飄飄然隨衆謁
帝君遂掌蓬萊紫虛洞天歸而能飛至龍塘潭峽中
與羣仙共戲釣于潭魚皆不腥呼鶴下啄之笑以爲
樂其儔侶五人曰瓊嬌玉潤伯山蟾姬伯現相與飛
至深井踏石而歌明月漁人見之須臾凌空而去石
上留屐痕焉人號其地爲仙女澳又曰蓬萊仙云宋
元祐中兩降廣州進士黃洞家經略使蔣之奇傳其
事

唐

圓禪師姓陳福州人叅大滬得旨嘗遊五臺山觀文殊

香山縣志

卷之八

仙釋

三

化現開寶中從樞密使李崇矩巡護南山因入院觀
地藏菩薩像問圓云地藏何以展手圓對曰手中珠
被賊偷却了也李乃謝之淳化元年示寂壽一百三
十六歲後邑人建西林庵祀之

真教禪師璿姓陳氏嘗對御陞座賜號法果禪師復奉
旨住潭之道林寺咸通初從鄭僕射至廣州遂示寂
焉

宋

普濟禪師黃懶有異行奇術號黃道人居西村山因名
其山曰黃道遊龍歸巖跣趺而化弟子塑像於巖紹

與中賜號惠慈普濟禪師邑人趙梅南於巖建祠祀之

許道人泮沙許東齋女也幼有超塵之志父母禁之不可遂清齋入道先是硯石和尚創菴雲梯山號張道人菴至是修而居之經年獨處有虎常衛其廬人謂其得道云

濠鏡壘

壘門僻處海島北枕青洲山南望十字門波濤澎湃
間鯨魚出沒雲氣往來實爲壯觀有明中葉西洋彝
人借處其地數百年來生齒日蕃惟我

盛朝覆載帡幪故諸酋畏威懷德萬里梯航五方輻輳猗
歟休哉蝟鬣魑結之徒同遊光天化日中矣志濠鏡
壘

前山村南二十里陸路沙徑狀如蓮根彝人居澳中
自名爲蓮花座先是番船泊無定所率擇海濱地之
灣環者爲壘若新寧則廣海望峒香山則浪白濠鏡

十字門東莞則虎頭門屯門雞棲明嘉靖三十二年
番船趨濠鏡者言舟觸風濤水漬濕貢物願暫借濠
鏡海地晾曬海道副使汪柏許之時僅草舍數十間
後商人謀利者漸運磚瓦木石爲屋若聚落然居住
輪租自是諸壘俱廢惟濠鏡壘獨爲舶藪矣未至三
里許明萬曆二年設關開委官守之每逢一六日開
關歲放米 石每月六啟閉廣肇南韶道發封條
六道令文武官會同驗放事已閉關復就其聚廬大
街中貫四維各樹高柵榜以畏威懷德分左右定其
門籍以旅葵明王慎德四譯咸賓無有遠邇畢獻方

物服食器用三十字分東西各十號使互相維繫譏
察毋得容奸聽海防同知及市舶提舉司約束四十
一年海道俞安性詳請兩院勒碑禁約五款
一凡新舊彙商敢有仍前畜養倭奴順搭洋船貿易
者許當年歷事之人前報嚴拿處以軍法不舉一併
重治一凡新舊彙商不許收買唐人子女倘有故違
舉覺而占恡不法者按名究追仍治以罪一凡番船
到壘許卽進港聽候丈抽如有拋泊大調環馬騮洲
等處外洋卽係奸刁定將本船人貨焚戮一凡彙趨
貿貨物俱赴貨城公賣輸餉如有奸徒潛運到澳與
彙執送提調司報道將所獲之貨盡行給賞首報者
船器官敢有違禁接買一併究治一凡壘中彙寮
除前以落成遇有壞爛准照舊式修葺此後敢有新
建房屋添造亭舍擅與一土一木定行拆毀焚燒仍
加重罪

國朝

澳中彙目爲西洋理事官督理濠鏡澳事務通事一
名番書一名文上縣用呈縣行拘提則牌仰理事官
八十餘年以來澳彙安居樂業生齒益蕃雍正八年
冊呈彙人五百一十七名彙奴六百六十三名彙婦

一千三百九十七口彘婢九百九十口歲輸租銀伍百兩解司庫

彘地東北枕山高建圍墻西南倚水爲界屋上架樓以居設有砲臺六座撥番兵防守

衣服內着緊身窄袖密鈕外被長闊褂番帽名劄標以氈搥成抽爲三角皂色頭披假髮然後戴之脫帽拖腳扯手是爲行禮

貴女賤男生女則喜女年及笄父母與擇偶通知子女如允從女則解戒指以定男媒聞於僧僧訪無故舊之親方准其匹配至婚期媒引男女至廟僧卽面

香山縣志

卷之八

濠鏡澳

五

問你夫婦日後有無怨悔呢均曰無之僧誦經文令媒引其齊至女家設席以待父母姊妹將女送到男家亦設席名曰交印

奉天主教凡父母歿報於僧僧卽鳴鐘以示遐昇之義先於廟內開穴置棺延僧至舍同親朋送尸至廟入棺蓋定以土掩之誦經文親朋各散子女回家閉門不出八日不舉火不炊爨親朋送飲食越八日方往謝服制三載以衣青爲孝服

俗好施予建寺獨多枕近望厦村故有東西望洋寺又有三巴寺板障廟支糧廟風信廟龍崧廟花王廟

家司欄廟飛來寺醫人寺尼姑寺望人寺唐人寺發
瘋寺以上六寺雍正八年理事官冊內未開存廢俟
查若崇閣瑰麗惟三巴寺爲最

舊有提調備倭巡緝行署三所今惟關部稅署及議
事亭凡文武官至澳坐議事亭上彙目列坐進茶畢
有欲言則通事傳之

關閘上樓三間歲久圯康熙十二年知縣申良翰重
修復於旁建官廳二間

澳門洋船奉總督孔

題定二十五隻每歲自十月起至出年三月止陸續開

香山縣志

卷之八

濠鏡壘

三

往外國貿易近者五六月回澳遠者七八月若遇貨
物不行必至隔歲方回亦有於所到之國買貨又往
別國發賣一二年未回者是以澳船之回帆難與別
省商船一例比也

乾隆十一年八月十一日奉

巡撫都察院準 密札乾隆十一年八月初六日接
到

大學士張 訥 侍郎傅 字寄各省督撫乾隆十

一年六月二十六日奉

上諭現在福建福寧府屬有西洋人倡行天主教招致男

婦禮拜誦經又以番銀誘騙愚民設立會長創建教堂種種不法挾其左道煽惑人心甚爲風俗之害天主教久經嚴禁福建如此或有潛散各省亦未可知可傳諭各省督撫密飭該地方官嚴加訪緝如有以天主教引誘男婦聚衆誦經者立即查拿分別首從按法懲治其西洋人俱遞解廣東勒限搭船回國毋得容留滋事倘地方官有不實心查拿容留不報者該督撫卽行叅處等因欽遵寄信前來欽此除密札布按二司密飭各地方官於所屬境內嚴加訪緝如有不法之徒稱係天主教引誘男婦聚衆誦經者立即查拿訊供通報仍分別首從按律懲治倘有西洋人潛入內地亦卽訊明根由除將本人詳請解交該管地方官轉交該國夷目收管勒限搭船回伊本國外仍將容留勾引之人嚴加治罪併將失察各官查開職名揭報如地方官等不實心查拿或容留不報立即飛揭請叅併令慎密查辦不得任聽胥役人等藉端滋擾有干未便外合札該道卽便欽遵

上諭事理一體遵照辦理等因奉此備札到府卽便欽遵

上諭及奉

撫憲密札事理轉飭所屬遵照辦理

乾隆十一年十一月初六日廣州府香山縣知縣張汝霖遵查香邑逼近澳夷誠恐境內有稱係天主教誘人誦習者卑職細加密訪通邑城鄉實無此等不法之徒惟澳門一處唐夷雜處除夷人自行建寺奉教不議外其唐人進教者約有二種一係在澳進教一係各縣每年一次赴澳進教其在澳進教者久居澳地漸染已深語言習尚漸化爲夷但其中亦有數等或變服而入其教或不變服或娶鬼女而長子孫或藉資本而營貿易或爲工匠或爲兵役又有來往夷人之家但打鬼辯亦欲自附於進教之列

以便與夷人交往者此種倏往倏來不能查其姓名今查得林先生周世廉等一十九人而林先生番名咭吹噠吵住持進教寺內率其子與其徒專以傳教爲事周世廉番名咬哆囉啞啞又呼賣雞周儼然爲夷船之主出洋貿易娶妻生子此二人尤爲在澳進教之魁也其各縣每年一次赴澳進教者緣澳門三巴寺下建有天主堂名爲進教寺端爲唐人進教之所建於康熙十八年五十八年重修闊大係番僧倡首而唐人醵金以建者向係林先生住居其中以行醫爲名實爲傳教每年清明前十日各持齋四十

九日名曰封齋至冬至日爲禮拜之期附近南番東順新香各縣赴拜者接踵而至間有外省之人惟順德縣紫泥人爲最多禮拜之後有卽行返棹者有留連二三日者旣經進教其平時因事至澳亦必入寺禮拜一切進教之人俱向林先生取經誦習此種姓名今已無可查開前經印同知示禁查拿來者漸少卑職抵任復經示禁林姓旋卽潛逃該寺現係番兵映知古看守蓋澳門唐人進教之情形如此至於辦理之法卑職伏查夷人在澳二百餘年以致唐人漸習其教由來已久然非聖人之書亦爲名教所必斥非王者之道卽爲

盛世所不容况以

天朝之人而奉外夷之教則體統不尊且恐夷性之狡將滋唐匪之奸則防微宜急夫除弊之道絕流不如塞源應請將進教一寺或行拆毀或行封錮其寺中神像經卷或行焚燒或飭交夷人收領各縣民人槩不許赴澳禮拜違者拿究并令附近各縣多張曉示凡從前已經赴澳進教之人許令自新再犯加倍治罪其有因不能赴澳禮拜或於鄉村城市私行禮拜誦經及聚徒傳習者察出以左道問擬則各縣每年一

次赴澳進教之弊似可漸除矣惟是在澳進教一種有稍宜熟籌者伊等挾有資本久與夷人交關一經迫逐猝難清理其妻室子女若令離異似覺非情若以携歸則以鬼女而入內地轉恐其教易於傳染應否分別辦理其未經娶有鬼女又無資本與夷人合夥但經在澳進教自行生理者不論所穿唐衣鬼衣俱勒令出教回籍安插其但有資本合夥未娶鬼女者勒限一年清算出教還籍其娶有鬼女挾資貿易及工匠兵役人等穿唐衣者勒令出教穿番衣者勒令易服出教均俟鬼女身死之日携帶子女回籍其

未回籍之日不許仍前出洋貿易及作水手出洋充當番兵等項應先勒令改業至買辦通事澳夷所必需但勒令易服出教不必改業仍各取具地保夷目收管備查其往來夷人之家但打鬼辯者一并嚴行禁止至現在十九人之外或有未經查出者除再密查外應令自行首明并飭夷目查明呈報隱匿者察出治罪似亦逐漸清除在澳進教之一法也抑卑職更有請者夷人在澳有必需用唐人之處勢難禁絕然服其役卽易從其教苟非立法稽查必致陰違陽奉應請飭行夷目及地保人等將夷人應用唐人

處逐一查明造冊具報歲終出具並無藏留進教唐人甘結繳查其冊一年一造有事故更換者據實聲明如此則稽查較密而唐夷不致混雜矣卑職因澳門進教原與夷人在內地開堂設教者不同且積重之勢返之當有其方故斟酌情法期於妥便又愚昧之見未知當否亦不敢冒昧舉行相應密稟大人鈞裁衡奪統候

批示到日遵照辦理

乾隆十二年二月初二日奉

督兩院爲嚴禁愚民私習天主教以安民夷以肅法

香山縣志

卷之八

濠鏡澳

三

紀事照得我

聖朝懷柔遠人垂念西洋番船來廣交易委身風濤無地棲止准照舊例將香山縣屬之澳門許令輪租暫住該國夷目番商亦皆恭慎謹恪歷年以來民夷頗覺相安至於天主教禮拜誦經乃該國夷風彼自循其俗我

天朝原不禁止但不許引誘內地民人習入其教以干罪愆近聞在澳番人尚俱遵守法紀轉有一等內地奸民竄入澳內改效番名私習其教如林姓自改其名曰咭吹噤吵並以番名其子曰啞噤噤其徒李姓名

曰嚙哪嘶者盤踞澳門之進教寺內引誘內地愚民如南海番禺順德東莞新會香山等附近之人多有被其煽惑諸寺入教向其取經并於每歲清明冬至之期聚集持齋習其禮拜不特爲害人心抑且大干禁令甚屬不法除林姓等已逃現飭地方文武各官嚴拿務獲重治示儆并將進教寺飭令地方官督令該澳夷目嚴加封錮看守不許擅開倘有奸民仍敢勾引內地民人復踵前轍者立即嚴拿治罪其寺內原貯西洋經卷器物仍着番人自行收回外所有從前入教愚民本應逐加治罪第念無知被誘姑從寬

典合亟曉諭嚴禁爲此示仰合屬軍民暨在澳人等知悉嗣後務俱革面革心恪遵法紀在住澳番人寄居原爲市舶其內地商行人等與之交易往來以及僱倩匠工代爲買辦通事皆例所不禁仍應聽從其便但不許民人私習天主教及改易番名潛投澳內禮拜煽惑其有從前進教已改番名及旣服番衣者許令自首改業出教免其治罪至附近各縣民人敢有私再赴澳禮拜或於私家仍習天主教誘民惑衆者立將本人按律重治保隣不舉一併坐罪該地方文武各官稽查訪拿倘有失察故縱定行分別嚴叅

至該澳夷目恪體

天朝深厚之恩約束番夷循分生理自保安全不得引誘內地民人在澳習教及將封禁之進教寺擅行私開致干

天朝法度以失該國恭順之誠有干未便各宜凜遵等因除出示曉諭及行布政司會同按察司移行遵照外合行飭知備牌仰縣照牌事理即便遵照將林姓卽番名咭吠噤吵同伊子番名啞噶噤其徒李姓卽番名嚙哪嘶嚴拿務獲按擬究報該縣仍會同海防同知將示禁情由剴切明白曉諭該夷目遵照併將進

教寺嚴加封鎖交該夷目看守諭令毋許私開亦不得復行修葺任其坍塌毀所有寺內西洋經卷器物着夷人自行收回另貯嗣後倘附近及各縣民人再敢故違示禁私赴禮拜入教者立卽嚴拿究報不得稍有寬縱其在澳民人有私習其教及現服夷服者遵照示諭准其自首改業出教免其治罪或娶有夷婦及生有子女者亦許令自首一併開明原籍住址本姓的名造冊由司覆核詳候察奪務須實力奉行不得虛應故事仍嚴束胥役勿得藉此滋擾番夷均干未便

署廣州府香山縣正堂張 諭澳門夷目唵嚟哆等
知悉照得中外自有體統夷民務令相安該夷乞居
澳地貿易資生百餘年來荷蒙

皇恩

憲德地厚天高少有人心皆知感化未有

天朝常施雨露之恩而該夷不效恭順之義也上年八月
十二日欽奉

上諭密飭訪緝如有以天主教引誘男婦聚衆誦經者立
卽查拿分別首從按法懲治倘地方官有不實心查
拿容留不報者該督撫卽行叅處等因欽遵在案隨

香山縣志

卷之八

濠鏡澳

三

查廣東一省別無開堂設教之人惟有澳門唐人進
教寺林姓父子住居其中每年勾引各處民人赴澳
禮拜殊屬不法理應遵奉

諭旨卽行拿究本縣一則念我唐人無知被惑一經拿究
牽累必多旣爲可憫一則念爾夷人在澳多年尚無
大過一經拿究驚擾不安亦爲可憫本縣是以委曲
稟懇

督撫各憲寬其旣往予以自新再四懇求始蒙俯允奏
請

皇上從寬免其拿究止將進教寺封錮毋許再行私誘唐

人人入教此誠

皇上之鴻恩

各憲之盛德而本縣之苦心也昨奉

督撫兩憲牌行仰縣督令夷目將進教寺嚴加封鎖看

守寺內經卷器物聽夷目自行收回等因計發告示到縣本縣猶恐該夷目不知

天朝德意或致驚疑是以委官帶同殷商先行曉諭務使爾等周知該夷目等自應遵奉刻日封鎖方見爾夷人恭順

天朝之意乃本月十四日香山司回據夷目等呈稱竊照

香山縣志

卷之八

濠鏡澳

三

哆等西洋遠夷蒙

皇恩浩蕩暨

列憲深仁准輸租在澳居住併蒙

恩准建立各寺遵奉本國禮儀歷來相安毫無過犯正圖報効

皇仁然來澳居住計二百餘年今奉行封鎖寺宇但此寺並非唐人設立教寺說稱唐人寺乃訛言相沿懇乞將夷等下情轉達上鑒格外施仁至咭叻噤吵啞噶嗑嚙哪嘶未曉潛逃何處無憑拿報今哆極欲凜遵因本國王令寺宇係重伏乞

恩宥至奉飭禁以來並無私習教服夷服者理合呈覆并聞該夷目等先已遵封既而中變聲言租澳建寺不應封鎖如須封鎖是滅爾教情願回國等語聞之殊爲駭異本縣卽欲親身赴澳門問爾等抗違之罪因念其言出於傳說未必確實縱或有之亦係爾夷人中至愚極蠢之輩故爲此言其明理識法者諒斷斷不出此也本縣是以再將一片婆心逐細爲爾夷目等剴切曉諭之如云租澳建寺

天朝不應封鎖試問爾等租澳止許貿易生理非許開堂設教也亦止許爾夷人自奉其教非許誘唐人入教香山縣志

也譬如今有唐人來澳租爾夷房生理若使此人誘爾夷人犯法爾等肯容之乎唐夷一理何獨不思况查此項租銀不過五百餘兩在

天朝之意不過因旣准爾等寄居澳地若不少納租銀爾等必懷不安故令爾納租耳方今

天朝之大

國家之富何有爾此區區况現奉

皇恩將中國錢糧普行蠲免不下千萬尚何愛爾五百餘兩之租乎此傳聞之說出於無知者一也如云若須封寺情願回國試問

天朝亦豈少爾夷人不得而必欲留之乎澳門之地原係爾夷懇

恩租住非

天朝招爾來此爾如欲去不妨竟去况自爾夷在澳以來恪共謹守者固多犯法滋事者亦不少現有案在爾豈不知今爾等果去在

天朝地方亦省却無數事且使數百年爾等盤踞之地一旦廓清尤

天朝之厚福

聖主之至願也特患爾等生於斯長於斯卽驅之亦不甘

香山縣志

卷之八

濠鏡澳

三

去耳乃爲此言以欺人此傳聞之說出於無知者二也至該夷目呈稱此寺並非唐人設立但說稱唐人寺者乃訛言相沿等語不知唐人寺之名不特縣志有載卽通志亦載其名進呈

御覽如以唐人寺係訛傳將志載之三巴板障等寺亦係訛言相沿乎強詞飾說于理不順又據該夷目呈稱唆等極欲凜遵因本國王令寺宇係重伏乞

恩宥等語夫今之所封乃唐人之進教唐人寺非爾夷等禮拜之夷人寺也三巴諸寺以爾夷人奉爾夷教原不禁止我

天朝禁唐人封唐寺與爾夷毫無干涉亦何患違爾本國
王令乎此爾錯見何容過慮總之此事係欽奉

上諭查拿經本縣懇請

督撫兩院從寬奏聞

皇上辦理之事非比尋常爾等試思向來唐人入寺爾夷
人卽無勾引之事尚可逃容留之罪乎今不問爾罪
但封寺以禁將來豈可不遵爾等又試思止禁唐人
止封唐寺無關於夷人之寺無損於夷人之教三巴
諸寺爾國之教仍在毫無不便豈可不遵爾雖夷人
其中自有明理識法者必以本縣之言爲不爾欺也

香山縣志

卷之八

濠鏡澳

三

若爾等不體本縣愛惜爾等之苦心而聽至愚極蠢
之言抗違

國法則爾之藉口者地租也今

天朝旣無藉于些小之租爾之欺人者回國也今

天朝又甚樂爾等之回國爾遵則速具遵依聽候本縣示
期臨澳督封不遵則將懇免納租情願回國之情切
實具情到縣以憑轉詳

各憲奏請

天恩准爾勒限回國本縣父母一邑爾等亦在管轄之中
一視同仁皆吾赤子若寺果可免封本縣亦豈肯好

事惟是理法所在如或有違卽本縣亦干罪戾爾等豈得安然今本縣定於本月二十日親臨澳地督同該夷目封鎖誠恐前遣之人或宣諭未到而夷人之無知者妄言搖惑用再明白曉諭自諭之後爾等遵則呈請赴寺不遵則呈請回國事無兩岐法難再縱本縣言出衷腸該夷目等試與明理識法者熟思之毋爲至愚極蠢者所誤思之思之勿謂本縣言之不早也特諭

乾隆十二年二月二十五日廣州府香山縣知縣張稟本月初二日接奉

香山縣志

卷之八

澳鏡澳

五

憲檄飭封進教寺卑職隨調香山司巡檢顧麟并傳殷商蔡泰觀蔡寶觀等來縣移明縣丞顧嵩會同帶領商人赴澳宣諭該員等于初十日抵澳傳該夷目面諭欣然遵封毫無難色至十二日忽已中變蓋爲番僧所挾制以爲事涉滅教也卑職竊思夷人雖極愚昧然亦具有天良况奉

大人行令剴切曉諭尤當遵奉辦理卑職因將理之是非事之利害反覆千餘言叙成一諭仍令該員等再往曉諭該夷等始茫然喪其所恃大悔前非惟求恩宥卑職隨于二十日親身如澳督封該寺等以二十

日係封齋期滿伊之國俗開齋前二日各寺不鳴鐘不放炮謂係天主死而復蘇之日夷人俱素服閉門走拜各廟懇求寬至開齋之日封鎖卑職暫寄新廟離澳三里待至二十二日詣澳該夷頭人咸集卑職復將

皇恩

憲德諄切面諭并責以不知感激初奉中違之罪諸夷怵惕惟謹該商等因代爲跪求諸夷亦羅跪乞哀甚有涕泣不能已者卑職然後許其捐棄前非加以慰免隨委香山司帶同商人及諸夷將進教寺封鎖銅

香山縣志

卷之八

濠鏡澳

甲

以鉛鐵張

憲示於門左其神像經卷器具先已撤去一空卑職隨于是晚返棹此一役也仰荷

大人德威久播異類格心卑職始至夷兵俱出至城外肅隊執仗其兵官職若內地千總者舞鎗以迎及至回船諸夷頭目于馬頭兩行肅立候送此皆僅見之事而曲膝行跪尤向來所無者固知馭夷之道尊其體統孚以恩信二者不可缺一也除另文申報外所有辦理情形合卽稟

聞

廣州府香山縣爲嚴禁愚民私習天主教以安民夷以肅法紀事乾隆十二年二月初二日奉

總督兩廣部院策
巡撫廣東都察院準 憲牌照得我

聖朝懷柔遠人

云

備案仰縣即便遵照將林姓卽番名

咭吹噤吵同伊子番名啞噶噤其徒李姓卽番名嚙哪嘶嚴拿務獲按擬完報該縣仍會同海防同知將示禁情由明白曉諭該夷目遵照并將進教寺宇嚴加封鎖交該夷目看守諭令毋許私開亦不得復行修葺任其坍塌毀所有寺內經卷器物着夷目自行收回另貯嗣後倘附近各縣民人再敢故違示禁私赴

香山縣志

卷之八

濠鏡澳

聖

禮拜入教者立即嚴拿究報不得稍有寬縱其在澳民人有私習其教及現服夷服者遵照示諭准其自首改裝出教免其治罪或娶有夷婦及生有子女者亦許另自首一併開明原籍住址本姓的名造冊由司覆核詳候察奪務須實力奉行不得虛應故事仍嚴束胥役勿得藉此滋擾番夷均干未便等因計發告示四十道到縣奉此卑職遵卽選差幹役密拿林姓卽番名咭吹噤吵同伊子番名啞噶噤其徒李姓卽番名嚙哪嘶務獲詳究外併會同護理同知將示禁情由剴切明白曉諭該夷目遵照封寺去後卑職

隨于二月二十日單騎滅從親詣澳門將奉檄情由復加切諭各夷咸遵封鎖併據該夷目愛嚟哆等呈稱哆等遵于本年二月二十二日未刻將進教寺宇嚴加封鎖寺內原貯西洋經卷器物遵照收回嗣後如有唐人復行私開入寺禮拜哆等遵卽稟報查拿如哆等隱匿不報自當甘罪理合遵依呈覆等情到縣卑職當將

憲檄告示實貼澳門通衢各處傳諭附近居民再敢故違示禁私赴禮拜入教者立卽嚴拿詳究不少寬貸在澳民人有私習其教及現服夷服者遵照示諭

香山縣志

卷之八

濠鏡澳

三

准其自首改裝出教免其治罪或娶有夷婦及生有子女者亦許自首在案俟自首到日開明各犯原籍住址本姓的名造冊具詳

憲臺覆核轉詳司覆核詳候

兩院察奪奉

批該縣能宣布

天朝威德而使諸夷感惕恪遵法守且化導有方賢能可嘉但馭夷之道務使愈久愈恭撫之以恩信順之以夷情俾異域之人求被

聖主懷柔德意而內地奸民不得竄入其教庶不虛此舉

矣仰布政司轉飭遵照併將該縣記大功二次
乾隆十四年七月二十七日奉

督撫憲檄行該司等核議澳門約束章程均屬妥協卽
便轉飭遵照按款實力奉行並卽摘叙告示分刊漢
字番字二石於澳門通衢處所曉諭務使漢夷咸知
凜遵安分守法以除積弊

一驅逐匪類凡有從前犯案匪類一概解回原籍安
插取具親屬保隣收管不許出境並取澳甲嗣後不
敢容留結狀存案將逐過姓名列榜通衢該保長不
時稽查如再潛入滋事卽時解究原籍保隣澳甲人

香山縣志

卷之八

濠鏡澳

三

等一體坐罪

一稽察船艇一切在澳快艇果艇及各項蛋戶罟船
通行確查造冊發縣編烙取各連環保結交着保長
管束許在稅廠前大馬頭灣泊不許私泊他處致有
偷運違禁貨物藏匿匪竊往來誘賣人口及載送華
人進教拜廟夷人往省買賣等弊每日派撥兵役四
名分路巡查遇有潛泊他處船艇卽時稟報查拏按
律究治失察之地保一并連坐兵役受賄故縱與犯
同罪

一禁賒物收貸凡黑奴出市買物俱令現銀交易不

得賒給亦不得收買黑奴物件如敢故違究逐出澳
一犯夜解究嗣後在澳華人遇夜提燈行走夷兵不
得故意扯滅燈籠誣指犯夜其或事急倉猝不及提
籠與初到不知夷禁冒昧悞犯及原係奸民出外姦
盜致被夷兵捉獲者立即交送地保轉解地方官訊
明犯夜情由分別究懲不得羈留片刻並擅自拷打
違者照會該國王嚴處

一夷犯分別解訊嗣後澳夷除犯命盜罪應斬絞者
照乾隆九年定例於相驗時訊供確切將夷犯就近
飭交縣丞協同夷目於該地嚴密處所加謹看守取

香山縣志

卷之八

濠鏡澳

四

縣丞鈐記收管備案免其交禁解勘一面由府司申
詳

大憲詳加覆核情罪允當卽飭地方官眼同夷目依
法辦理其犯該軍流徒罪人犯止將夷犯解交承審
衙門在澳就近訊供交夷目分別羈禁收保聽候律
議詳奉批回督同夷目發落如止杖笞人犯檄行該
夷目訊供呈覆該管衙門核明罪名飭令夷日照擬
發落

一禁私擅凌虐嗣後遇有華人拖欠夷債及侵犯夷
人等事該夷卽將華人稟官究追不得擅自拘禁屎

寧私行鞭責違者按律治罪

一禁擅興土木澳夷房屋廟宇除將現在者逐一勘查分別造冊存案外嗣後止許修葺壞爛不得於舊有之外添建一椽一石違者以違

制律論罪房屋廟宇仍行毀拆變價入官

一禁販賣子女凡在澳華夷販賣子女者照乾隆九年詳定之例分別究擬

一禁黑奴行竊嗣後遇有黑奴勾引華人行竊夷物卽將華人指名呈稟地方官查究驅逐黑奴照夷法重處不得混指華人串竊擅捉拷打如黑奴偷竊華

人器物該夷目嚴加查究其有應行贖訊者仍將黑奴送出訊明定擬發回該夷目發落不得庇匿不解如違卽將該夷目懲究

一禁夷匪夷娼窩藏匪類該夷目嚴禁夷匪藏匿內地犯罪匪類並查出賣姦夷娼勒令改業毋許窩留內地惡少賭博偷竊如敢抗違除內地犯罪匪類按律究擬外將藏匿之夷匪照知情藏匿罪人科斷窩留惡少之夷娼男婦各照犯姦例治罪如別犯賭博竊盜其罪重於宿娼者仍從重擬斷並將失於查察之夷目一並處分知情故縱者同坐

一禁夷人出澳夷人向例不許出澳奉行已久今多有匪夷藉打雀爲名或驚擾鄉民或調戲婦女每滋事端殊屬違例該夷目嚴行禁止如敢抗違許該保甲拿送將本犯照違

制律治罪夷目分別失察故縱定議

一禁設教從教澳夷原屬教門多習天主教但不許招授華人勾引入教致爲人心風俗之害該夷保甲務須逐戶查禁毋許華人擅入天主教按季取結繳送倘敢故違設教從教與保甲夷目一並究處分別驅逐出澳此條該夷目請免勒番文碑內

祥異

五事配乎五行洪範休咎有徵春秋災祥並記示人修省之意至深切矣我

聖朝泰運日隆嘉祥疊見吾香亦大有頻書披舊乘之紀載聽父老之傳聞諸福畢集此時爲盛其所以迓天休儆人事者夫豈無自歟志祥異

宋淳熙十一年旱明年饑詔有司賑之 慶元五年大水 開禧元年旱詔賑之 嘉定十四年旱 淳祐五年夏五月晦颶風大作夜潮不退晝潮沓之滌潦浸至瀕海室廬水深四尺民多溺死 寶祐元年夏

香山縣志

卷之八

祥異

七

六月旱 祥興元年秋八月星隕於海

元至元十九年夏六月大雨海水溢傷稼 延祐八年

饑 至治二年秋九月地震 至正十八年秋大水

二十五年秋七月彗星見於斗牛縣民訛言大軍至後征南將軍廖永忠帥師入廣州

明洪武元年春彗星見南斗征南將軍廖永忠帥師至

五年夏四月地震 二十八年大旱 二十九年

旱 永樂二年冬十一月民居大火 七年夏五月

大雨水害稼 九年大有年 二十一年秋九月嘉

禾生於龍眼里 宣德元年秋九月大雨水 十年

冬十一月雷 正統八年秋九月大饑詔義民出粟

賑濟者冠帶榮身千石以上者璽書旌門 十三年

秋八月民訛言石岐浮人截頭明年黃蕭養作亂

景泰元年龍眼里大欖二都穰不播而獲曰穰二村民以黃冠脅從致水

軍災討無妄之災也七年秋八月戊戌朔卿雲見 天順五年

大有年 成化三年秋大饑斗穀值錢六十六文錢

法大阻好惡皆二當一曰掛索錢 八年春正月旱

十年秋七月大雨水 十六年夏五月癸巳夕地

震虎患入城郭食一人多被傷者秋冬疫 十七年

冬十一月壬辰冬至夜昏大雷電雨二鼓盡乃止是

香山縣志 卷之八 祥異 哭

年虎患連年未息畜疫雞牛猪犬甚十八年畜疫秋九月震雷

十九年夏五月海潮溢壞瀕海民居傷稼 二十

一年夏霽雨一月蟲食禾節歲歉秋七月饑 二十

三年春不雨夏四月疫 五年庚申地震有聲虎暴

附郭及龍眼都甚 宏治元年春正月丁酉震雷有

蜚早禾不獲夏四月不雨至八月晚禾不獲饑 三

年虎患龍眼谷字二都甚至有相食者恭常都傳沙魚變虎四月有豺舊惟黃山有之

至是在在皆有為冬十一月芝草生生於儒學西號廢垣一本三莖

五葉高大俱五寸五年夏六月無雲而震冬十月辛酉雷電

雨如春甲子夕陽而雷昏而電雨甚夜分乃止乙丑

烈風匝日 六年虎患 谷字 都甚 七月畜疫 自壬寅至是 羊牛猪雞犬

多 十年秋九月壬戌雷電甚雨越三日雷電雨如

春 十三年大有年 十四年春不雨四月雨始電

正德三年饑 九年秋八月颶風害稼 十四年

春二月丁卯雨雹 暴雨 連旬 夏五月不雨至秋九月 晚禾 不獲

良得二 都饑 冬十月丁卯雷電雨如春 嘉靖二十年秋

八月丁巳方釋奠忽颶母亘天大風拔木摧屋縣學

櫺星門毀 四年蓮塘民鄭七仔妻一產三子 七

年春正月不雨至於夏六月 八年秋八月颶風傷

稼 晚禾 不獲 九月饑 十四年夏四月大水 十五年饑

香山縣志 卷之八 祥異 巽

十八年冬十月地震 二十三年夏六月颶風大

雨水城東南牆牒盡壞 二十五年秋八月颶風傷

稼大壞舟楫民多溺死陂池隕決魚皆散逸 二十

六年丁未春霖雨秧苗凍死歲饑 二十七年戊申

水災田稻失收 二十八年巳酉三月朔日食 三

十年辛亥三月雨雹九月颶風傷禾稼 三十二年

癸丑正月朔日食蟲傷早稻歲饑 三十六年丁巳

二月雨雹六月三十日地震 三十七年戊午春旱

蟲傷禾稼七月初五日地震 四十五年丙寅正月

初十日日中有黑子五日乃滅旱禾蟲傷七月潦水

大至米價騰湧 隆慶二年戊辰二月初十日雨雹
大風三月天陰無雨四月十二日潦水至早禾半收
三年己巳六月二十九日颶風大水壞屋九月三十夜旄頭星見西方長五六尺 四年庚午正月朔日食二十九日雨雹 五年辛未九月颶風作水大至歲饑 六年壬申春旱夏潦六月朔日食歲大饑
萬曆元年癸酉七月八月大水傷禾十月初十日雷電大作 五年丁丑立秋後蟲飛食苗盡白九月二十三日申時彗星見西方尾長五六丈白氣亘天至十一月中漸暗不見 八年庚辰二月朔日食九

香山縣志

卷之八

祥異

辛

月彗星見西方 九年辛巳九月至十二月啟明星不見 十一年癸未十一月朔日食 十二年甲申六月朔日地震七月朔復震 十三年夏四月大旱九月大水 十四年大水蟲傷稼 二十一年七月雨雹如石壞屋 二十九年九月大水冬詔免明年夏秋田糧三之一 四十六年戊午六月五色雲見於小欖八月旄頭星貫太白十月彗星疊見 四十七年己未春熊羆雄一雌一至泮橋上守學人獲之畜於黌宮後逸去夏五月大風撤縣衙居民毀塌無數 天啟三年癸亥秋九月獲白鹿於湖洲山知縣

周維持範銀爲牌銘曰國家正祥命獵人納之大麓
四年甲子秋七月瑞芝生於小欖國學生何贊侯
南漪館壁 六年丙寅夏四月米價騰貴翰林院編
修何吾騶時奉使回里捐米煮粥貴糴賤糴存活甚
衆 崇正九年五月民大饑

國朝

順治九年八月朔日地震響如雷鳴次日又震九月颶
風大雨三至晚禾災穀貴民饑八月初六日寺前街
猪生子人頭隻眼頭生一角人身猪足無毛十一月
初九日盜梁子直等破城殺官劫庫十三日大兵至

香山縣志

卷之八

祥異

五

剿平之 十年正月饑穀一石價一兩七錢饑死者
衆知縣煮粥賑之穀價增至每石價三兩米一升銀
七分五釐六月民始甦 十一年二月初九日石岐
河水如血次日復故六月十七夜地震 十二年十
月二十五日雷鳴午大雨二十七日雷鳴大雨二十
八日大雷雨電 康熙十三年春二月雨雹 十四
年三月十九日雨雹 十五年五月初一日撫賊陳
器瑜糾黨集海寇焚劫關廂圍城十日援兵至始遁
十七年虎至 十八年八月二十八日颶風十二
月初十夜海寇突至石岐焚毀汛哨 二十三年大

有年 二十四年大有年 二十七年虎患盡息
三十三年春多雨大有年 三十六年正月雨至二
三月大饑六月二十九日颶風大水 四十一年八
月初八日颶風大雨 四十三年大有年 四十六
年六月初九日大風 四十九年正月初七日雷鳴
五十年七月十七日颶風 五十一年四月二十
三日颶風拔木次日大雨八月二十九日颶風九月
初一日大雨十一月虹見 五十二年大饑 五十
六年正月二十七日雷鳴七月十六日颶風大雨壞
屋十一月地震 五十八年十月十三日虹見二十
五日雷鳴 六十一年九月初六日颶風檣星門義
路門俱倒塌市可行舟平嵐諸鄉民多溺死冬十一
月初十日雨雹十二日雷鳴大雨 雍正元年五月
十九日颶風大雨市可行舟 二年十月二十日虹
見 三年桃李冬實 四年饑 七年大有年 八
年大有年 乾隆元年大有年 三年秋七月颶風
五年大有年 七年春不雨夏四月雨秋大稔
十年秋九月颶風 十三年大有年

雜記

雜記以補遺也人難於類族而事溢於分門則遺之矣其軼乃時時見於他說網羅放失雜取其不詭於道而足以資識者殿諸簡末若夫寓言誕說齊諧滑稽則無取焉志雜記

官能者千戶所小旗也生有巧思明成化間林良以寫花鳥擅名能欲抗衡乃精繪鱗鬣妙入神品意愜飛動見者以爲真焉士大夫携縑楮詣門者無虛日亦一時畫師也

詹師者北山人習廬山法術以符咒治病祛邪擲火鈴

香山縣志

卷之八

雜記

五

踏刀梯有神下之病者輒愈失物相誣闕者投銅錢沸油中常人手探輒得如挹清冷盜則灼爛服罪變幻物態役使鬼神非止一端故老有能詳道之者

禾穀夫人或云后稷之母姜嫄也今村落皆祀之爲農

事祈報

見通志

周禮土訓掌道地圖以詔地事道地慝以辨地物而原其生以詔地求謂昔有而今無似利而實害者皆地慝也邑號荒薄物產不足以充錫貢而有二害焉其一雞拍村銀涌角宋初產銀官取上供屬廣州宜祿場大觀中廣東廉訪使王烈奏言鑛內苗脉微甚而

浮沉之人以納官爲名騷動遠近疏入詔罷宜祿場令官封之違禁者誅逾三百年人無敢發者明正德中順德縣豪民勾引勢家糾集逃叛及白水賊徒僞稱朝旨執照開鑛采煎村民初猶拒之其後力不能勝盡被屠戮而淫其妻女使供炊爨每歲煎鑛得千餘兩嘉靖甲辰苗脉已盡賊徒乃散而其地雞犬桑麻亦俱盡矣其一邑南大海中三竈山有田三百餘頃膏腴甲於一方在宋爲黃字上下園元時海寇劉進據之明洪武初屬黃梁都籍居民吳進添通番爲亂二十六年都指揮花茂奏討平之詔遷其餘黨虛

其地豁其田稅永不許耕歲令官軍千人守之正德中南海勢家以新會虛稅影佔而亡命附之招合猺獍立爲十甲聚衆盜耕嘉靖十五年該都里排贖爲已業已而有錢備者素通番舶倚強佔奪里排無可誰何分上下圍管業有司丈得餘田歸官復爲勢豪侵據爲吾民害今皆得安生業矣

周官誦訓掌道方志以詔觀事道方慝以詔辟忌以知地俗謂毒蠱之類皆方慝也吾邑山林川澤之阻虎狼虺蝮雖或害人而毒莫如胡蔓蠱莫如藥鬼胡蔓草也葉如茶其花黃而小一葉入口下咽七竅流血

人無復生惟急服羊血或可挽回然亦十之一耳後來種類益繁枝葉殊常不可識別奸民將取以毒人則其葉招搖欲動洵妖物也昔有與人構怨者茹之飲水少許而腸斷立斃亦有以此陰斃其親而誣人以人命者知縣鄧遷嚴禁之而此風遂息署知縣雲南解元羅明夔立法欲盡其根下令曰凡以事告理者須拔取胡蔓草數十本與詞來然後得進於是樵人入山搜羅買之以供訟獄者之用一時妖物幾盡藥鬼者愚民造蠱圖利取百虫置器中經年視獨存者能隱形與人爲禍

隋志載其法以五月五日聚白虫大至蛇小至虱合置器中令

香山縣志

卷之八

雜記

蠱

相啖餘一種存者蛇曰蛇蠱虱曰虱蠱行以殺人因食入人腹食其五臟人死則其產移入蠱主之家若三年不殺人則蠱主自斃其種累世相傳不絕亦有隨女子嫁者

凡屋宇淨無塵網

者卽其鬼所爲也又名挑生凡飲食魚肉蔬果皆可挑人中其害者胸腹攪痛十日其虫能動腫脹如囊九孔流血而死求樂初縣丞彭豫懲數家於法其害漸少然負郭及諸鄉尚或有之

嶺南衛生方治胡蔓草毒急取抱卵未生雞子細研和以清油幹口灌之得吐而甦治藥鬼挑生在上鬲者膽礬五分投一盞熟茶內候溶化服之以雞毛攪喉令吐在下鬲者鬱金二錢研末飯湯調下卽瀉出惡

物

壽星塘山水幽勝疇昔人跡罕到有物曰赤蝦子狀如
嬰兒而絕小呼笑之聲亦酷肖嬰兒自樹杪羣相牽
挂而下甫至地而滅或疑爲仙黃佐曰是土石之怪
魍魎之類耳

壽星塘昔有大鴉高可七八尺立與人齊見肉食卽啄
去自黃佐葬父母於山之陽人蹤日多諸怪物皆絕
跡不見